



Broj: 15-03-16-5-398/16
Datum: 7.6.2016. godine

Na osnovu člana 61. Zakona o upravi (Službeni glasnik BiH broj 32/02), člana 19. Zakona o Agenciji za identifikaciona dokumenta, evidenciju i razmjenu podataka BiH (Službeni glasnik BiH broj 56/08), člana 69. stav 2. tačka e) i člana 70. Zakona o javnim nabavkama BiH (Službeni glasnik BiH broj 39/14), direktor Agencije donosi slijedeću:

ODLUKU o poništenju postupka nabavke

I

Poništava se postupak javne nabavke usluga održavanja Oracle licenci objavljen na web portalu Agencije za javne nabavke BiH, broj obavještenja: 1110-1-2-12-3-14/16 od 18.03.2016. godine, koji je proveden u skladu sa procedurom otvorenog postupka.

II

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja.

O b r a z l o ž e n j e

Na osnovu provedenog postupka nabavke, Komisija za nabavke, imenovana Rješenjem broj: 15-03-16-5-398/16 od 30.03.2016. godine, konstatovala je da je rok za dostavu ponuda 05.05.2016. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle 3 ponude i to ponuđača: QSS d.o.o. Sarajevo, NITES d.o.o. Banja Luka i LANACO d.o.o. Banja Luka Neblagovremenih ponuda nije bilo.

Komisija je predložila donošenje odluke o poništenju postupka nabavke, u skladu sa članom 69. stav 2. tačka e) Zakona o javnim nabavkama BiH, iz razloga što su cijene svih dostavljenih ponuda znatno veće od osiguranih sredstava za predmetnu

nabavku. Naime, ukupna cijena kvalifikovane ponude sa PDV-om iznosi 737.968,14 KM, a u budžetu su planirana znatno manja sredstva od onih navedenih u ponudi, odnosno planirana su sredstva u iznosu od 620.000,00 KM sa uračunatim PDV-om.

Ponuda ponuđača NITES d.o.o. Banja Luka, nije kvalifikovana i prihvatljiva iz razloga jer iz razloga jer navedeni ponuđač nije dostavio na način naveden u tenderskoj dokumentaciji slijedeće dokaze tražene tenderskom dokumentacijom: Obrazac za cijenu ponude- Aneks 4 i Nacrt ugovora - Aneks 6.


Ponuda ponuđača LANACO d.o.o. Banja Luka nije prihvatljiva iz razloga jer iz razloga jer je na strani 10 je navedeno da je ponuđena podrška isključivo za period do 30.04.2017. godine, što je neprihvatljivo i nije u skladu sa uslovima traženim tenderskom dokumentacijom.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o ocjeni ponuda, u kojem su detaljno obrazloženi razlozi za poništenje postupka nabavke.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

X



DIREKTOR

Edim Nesini

дигитално потписано / digitalno potpisano / digitally signed
Signed by: ENESIM